


錦繡萬花谷別集 十六之二十四




漢書門類			
二九七〇號	三函	二架	一六冊

內閣文庫	
漢書	二九七〇號
一六冊	二架

內閣文庫	
番號	漢 2970
冊數	16 (14)
函號	365 29






錦繡萬萋谷

別集十六
之二十卷

錦繡萬花谷別集卷之十六

少年顯達

淺草文庫



甘奇終賈後漢胡廣上書曰甘奇顯用年乖強仕終賈揚聲亦在弱冠註云秦甘羅年十二封上卿子奇年十八齊君使主東阿東阿大化終軍十八為諫大夫賈誼年十八為博士

年十二為上卿史甘羅者甘茂孫也茂死後甘羅年十二事秦相文信侯呂不韋秦封甘羅為上卿復以始甘茂田宅賜之太史公曰甘羅年少出一奇計聲稱後世雖非篤行之君子然亦戰國之策士也

雒陽年少史賈生傳賈生名誼雒陽人也年十八以能誦詩屬書聞於郡中吳廷尉為河南守聞其秀才召置

門下文帝初立聞河南守吳公治平為天下第一乃徵
為廷尉廷尉乃言賈生年少頗通諸子百家之書文帝
召為博士是時賈生年二十餘最為少每詔令議下諸
老先生不能言賈生盡為之對文帝說之超遷一歲中
至太中大夫

十二為童子郎魏司馬朗字伯達河內人十二試經為
童子郎監試者以其身體壯大疑朗匿年朗曰朗之內
外累世長大朗雖穉弱而無仰高之風損年以求早成
非志所為也監試異之

周郎三國志周瑜字公瑾孫策授瑜建威中郎將即與
兵三千人騎五十四瑜時年二十四吳中皆呼為周郎
富豪

金穴東觀漢記郭況為鴻臚卿上數平其第常賜金帛
京師因號况家為金穴

以田為業漢張禹內殖貨財以田為業及富貴多買田
至四百頃他財物稱是

谷量馬牛西漢烏氏羸傳氏音畜菽及衆斤賣來奇繒
物間獻戎王因間隙私戎王十倍其償予畜至用谷量
馬牛

千蹄角漢巴寡婦清傳陸地牧馬二百蹄蹄與角凡千二也千足羊二百五十頭澤中千足

蔬水居千石魚波讀曰波大言有波養山居千章之荻

檉也安邑千樹棗燕秦千樹栗蜀漢江陵千樹橘淮北
榮南河濟之間千樹荻陳夏千畝黍齊魯千畝桑麻渭

川千畝竹及名園萬家之城帶郭千畝鍾之田六餅四
斗一畝收種若千畝厄茜千見反千畦薑非此其人皆
者九千畝也與千戶侯等

比千乘之家漢巴寡婦清傳通邑大都酤一歲千釀釐

釀醢醬千坭胡反長漿千儋丁監反屠牛羊彘千皮

穀糴千鍾薪藁千車船長十丈木千章竹竿萬个輶車

百乘牛車千兩車一乘曰一兩謂之兩木器漆者千枚

銅器千鈞素木鐵器若厄茜千石百二十斤為石馬蹄噉千噉

筋用丹砂千斤其帛絮細布千鈞文采千匹谷布皮革

千石布也黍千大斗蘖麴鹽豉千合鮐鯨千斤鮐音台

魚反二鮓鮑千鈞鮓音輒棗栗千石者三之三千狐貂裘

千皮羔裘千石旃席千具他果菜千種子貸金錢千貫

節且儉也馵子助反儉子外反二家交易貪賈三之廉賈

五之貪賈未當賣而賣未當買而買故利少而十得其

亦比千乘之家

丹穴西漢史巴寡婦清其先得丹穴而擅其利數世家

亦不訾丹丹砂也山谷之穴出丹清寡婦能守其業用

財自衛人不敢犯始皇以為貞婦而客之為築女懷清

臺行潔號曰

賞賜累千金漢史丹兄嗣父爵為侯遜不受分丹盡得

父財身又食大國邑重以舊恩數見褒賞賞賜累千金

僮奴以百數後房妻妾數十人內奢淫好飲酒極滋味

聲色之樂為將軍前後十六年末始中病乞骸骨歸第

初新得錢致富 元和初洛陽村百姓王清傭力得錢五
鏹因買田畔一枯栗樹為薪以求利經宿為鄰人盜斫
創及腹忽有黑蛇舉首如臂人語曰我王清本也汝勿
斫其人驚懼失斤而走及明王清率子孫薪之復掘其
根根下得大羗二散錢實之王清因是獲利而歸十餘
年巨富遂斃錢形龍號王清本 酉陽

酒囊飯袋 荆湖近事云馬氏奢僭諸院王子僕從烜赫
文武之道未嘗留意時謂之酒囊飯袋

田農而甲一州 漢宣曲任氏傳秦楊以田農而甲一州
翁伯以販脂而傾縣張氏以賣醬而隄修質氏以酒削
而鼎食濁氏以胃脯而連騎張里以馬醫而擊鐘 禮先
濯也削先任反刀劍室也謂人有
刀劍割故惡者生為酒割之

陶朱公 史越世家范蠡事越王勾踐竟滅吳報會稽之
耻稱上將軍范蠡以為大名之下難久居乃裝其輕寶
珠玉浮海出齊變姓名自謂鴟夷子皮耕於海畔居無
幾致產數千萬齊人聞其賢以為相范蠡嘆曰居家則
致千金居官則致卿相此布衣之極也又尊受名不祥
乃歸相印盡散其財分與知友懷其重寶間行以去其
止于陶以此為天下之中通為生自謂陶朱公居無何
致貲累巨萬故范蠡三徙成名於天下

獸形 晉羊琇性豪侈費用無限屑炭和作獸形以温酒
豪貴效之

貴盛

一門九侯 漢李尋說王根云將軍一門九侯二十朱輪

漢興以來臣子貴盛未嘗至此

二相五侯 吳志陸凱字敬風吳人丞相遜族子孫皓時為丞相世說曰皓問凱卿一宗在朝有幾人荅曰二相五侯將軍十餘人皓曰盛哉凱曰君賢臣忠國之盛也父慈子孝家之盛也今政荒民散覆亡是懼臣何敢言盛也

萬石君 漢石奮趙人孝文時官至太中大夫長子建次甲次乙次慶皆以馴行孝謹官至二千石景帝曰石君及四子皆二千石人臣尊寵舉集其門號奮為萬石君
八子皆二千石 後漢馮勤曾祖楊宣帝時為弘農太守有子八人皆為二千石趙魏間榮之

郭氏慶延于世 後漢郭躬傳郭氏自弘後數世皆傳法

律子孫至公者一人廷尉七人侯者三人刺史侍中者二十餘人侍御史至監平者甚衆史論曰法家之能慶延于世

衣繡夜行 漢朱買臣為會稽太守上謂買臣曰富貴不歸故鄉如衣繡夜行

六人至三品 唐崔郾崔氏四世總麻同慶兄弟六人至三品郾郾凡為禮部五吏部再唐與無有也

鳳閣王氏 唐王徽曾祖擇從昆第四人曰易從朋從言從皆擢進士第至鳳閣舍人者三人故號鳳閣王氏自是訖太中時登進士者十八人位臺省牧守三十餘人徽有雅望拜宰相一日而京師亂故設施無足道者

世中書 唐徐嶠字巨山父子相次為學士自祖及孫

三世為中書舍人

兩鳳連飛北史崔陵弟仲文天保初陵為侍中仲文為銀青光祿大夫同日受拜時云兩鳳連飛

鳳池麟閣北史薛澄傳論曰學稱該博文擅彫籠或揮翰鳳池或著書麟閣咸居祿位各逞琳琅

青紫盈庭北史楊播傳論曰楊播兄弟俱以忠義謙謹荷內外之任公卿牧守榮赫累朝門生故吏遍於天下後魏以來一門而已諸子秀立青紫盈庭積善之慶蓋有憑也

士族之冠唐史崔遠有文而風致整峻乾寧初拜相諸崔自咸通繼後歷臺閣藩鎮數十人天下推士族之冠
一門三秀才杜正倫隋世重舉秀才天下十人而正倫

一門三秀才皆高第為世欽羨

七葉重名南史王筠傳與諸兄書論家明集云史傳解安平崔氏及汝南應氏並累葉有文才所以范蔚宗云崔氏彫龍然不過父子兩三世耳非有七葉之中名重德光爵位相繼人人有集如吾門者也沈少傅約常語人曰吾少好百家之言身為四代之史自開闢以來未有爵位蟬聯文才相繼如王氏之盛也

四世同居北史楊愔字遵彥一門四世同居家甚隆盛昆季就學者三十餘人

七世通顯後漢應邵傳中興初有應姬者生四子而寡見神光照社試探之乃得黃金自是諸子官學並有才名至瑒七世通顯

七世內侍 前漢金日磾字翁叔夷狄亡國羈虜漢庭而以篤敬悟主忠信自著勩功上將傳國後嗣世名忠孝七世內侍何其盛也

四世三公 魏袁紹高祖父安為漢司徒自安以下四世居三公位勢傾天下

貂蟬七葉 想前人四世三公表一門虎步龍驤推贊册瑤環瑜珥見傍孫李端叔送曾端伯

先賤後貴

尚書餘臭 南史到溉字茂灌歷御史中丞都官左戶二尚書掌吏部尚書何敬容謂人曰到溉尚有餘臭溉祖彥之初以擔糞自給故世以為譏

牛衣子名重京師 通鑑沈約論曰太公起屠釣為周師

傳說去版築為殷相明敷幽仄惟才是與逮于二漢茲道未革胡廣累世農夫致位公相黃憲牛衣之子名重京師

我微賤者來謁 李白贈從弟南平太守詩承恩初入

銀臺門著書獨在金鑾殿龍駒雕鏤白玉鞍象牀綺食黃金盤當時笑我微賤者却來請謁為交歡

飯牛車下 鄒陽書甯戚飯牛車下桓公任之以國註云桓公夜出迎客甯戚擊牛角歌曰南山矸白石爛生不

遭堯與舜禪短布單衣適至甯從昏飯牛薄夜半長夜曼曼何時旦桓公召與語說之以為大夫研與岸同甯下諫反曼莫

聞家飯後鐘 據言云王播少孤貧嘗客揚州木蘭院隨

僧齋僧厭之播至已飯矣後二紀來鎮是邦向題字已
碧紗幕其上播作詩曰二十年前此院遊木蘭花發院
新修而今再到經行處樹老無花僧白頭上堂已了各
西東慚愧闍梨飯後鐘二十年來塵撲面如今始得碧
紗籠

悟主而車百乘莊子列禦冠宋人曹商者為宋王使
秦其往也得車數乘王悅之益車百乘反於宋見莊子
曰夫窮閭阨巷困窘織屨稿項黃馘者商之所短也一
悟萬乘之主而從車百乘者商之所長也莊子曰秦王
有病召醫破癰潰痊者得車一乘舐痔者得車五乘所
治愈下得車愈多子豈治其痔耶何得車之多也

養馬胡兒

漢金日磾字翁叔與母闕氏弟倫俱沒入官

輸黃門養馬時年十四矣久之武帝遊宴見馬後宮滿
側日磾牽馬入馬長八尺二寸容貌甚嚴馬入肥好上
異而問之具以本狀對上奇焉即日賜湯沐衣冠拜為
馬監累遷光祿大夫日磾既親近貴戚多竊怨曰陛下
妄得一胡兒反貴重之上聞愈厚焉

折脅摺齒

史范睢傳范睢字叔游家貧無以自資先事

魏中大夫須賈須賈為魏使齊范睢從齊襄王聞睢辯
口使人賜睢金及牛酒睢謝不受須賈以為持國陰事
告齊歸告魏相魏齊怒使舍人笞擊睢折脅摺齒
睢佯死即卷以簣置廁中睢從簣中謂守者曰公能出
我我厚謝公范睢得出更名姓曰張祿秦昭王使謁者
王稽於魏張祿見王稽王稽知范睢賢載入秦王稽與

范睢入咸陽秦昭王以傳車召范睢拜為客卿謀事即
聽范睢乃拜為相封為應侯范睢既相秦號曰張祿而
魏不知魏聞秦東伐韓魏使須賈於秦范睢聞之微
行敝衣間步之邸見須賈須賈驚曰范叔固無恙乎留
與坐飲食曰范叔一寒如此哉乃取其一綈袍以賜之
范睢為須賈御入秦相府謂須賈曰我為君先入須賈
待門下良久問門下曰乃吾相張君也賈乃肉袒
膝行謝罪睢曰公之所以得無死者以綈袍戀戀有故
人之意故釋公

漢南一布衣唐岑文本為中書令或勸營產文本嘆曰
吾漢南一布衣徒步入關所望不過祕書郎縣令耳今
無汗馬勞以文墨位宰相奉稍已重尚何殖產業邪

權勢

唐崔鉉宣宗初進左僕射鉉所善者鄭魯楊
紹復段瓌薛蒙頗參議論時語曰鄭楊段薛炙手可熱
欲得命通魯紹瓌蒙帝聞之題於宸

擢震天下唐李宗閔等贊僧孺宗閔以方正敢言進既
當國反奮私昵黨排擊所憎是時權震天下指曰牛李
宗閔 牛僧孺李

關十六子唐李逢吉傳鄭注得幸於王守澄遂吉賂
注結守澄為奧援其黨有張又新李續張權輿 楊楚
李虞程昔範姜洽及訓八人而傳會者又八人比 注
劇故號八關十六子有所求請先賂關子後遂以 注
無不得所欲

牛頭阿勞 唐路岩與韋保衡當國二人勢動一時其黨為牛頭阿勞言如鬼陰惡可畏也

錦繡萬花谷卷之十六

錦繡萬花谷別集卷之十七

學問

如燭之明 晉平公問於師曠曰吾年七十欲學恐已暮矣師曠曰何不炳燭乎平公曰安有為人臣而戲其君乎師曠曰盲者安敢戲其君乎臣聞之少而好學如日出之陽壯而好學如日之光老而好學如炳燭之明炳燭之明孰與昧行乎平公曰善

編柳為簡 楚國先賢傳孫敬字文寶入學編楊柳為簡以寫經睡懸頭於梁

截蒲為牒 漢路溫舒字長君父為里監門使牧羊溫舒取澤中蒲截以為牒編用寫書稍習善求為獄小吏又受春秋通大義舉孝廉為菑水宣帝時遷臨淮太守

問字難字 唐曹憲太宗嘗讀書有奇難字輒遣使者問
憲憲具為音註援驗詳復帝咨尚之

內聖外王 本朝明道訪康節歸謂周純明曰內聖
之道也

心在天地先 本朝陳瑩中書康節之先天圖心法
詩曰身在天地後心在天地先天地自我出自餘惡足
言然則先天之學以心為本其在經世者康節之餘事
耳

顏狀未離嬰孩 有對司馬溫公論性極口不已公斥之
曰顏狀未離於嬰孩高談已及於性命

猶航斷港 韓文學者必謹其所道道於楊墨老莊佛之
學而欲之聖人之道猶航斷港絕潢以望至於海也

盤旋 後漢蔡邕釋誨騁馳乎典籍之崇塗休
息乎仁義之淵藪盤旋乎周孔之庭宇揖儒墨而與為
友舒之足以光四表收之則莫知其所有

文章

庾體 周書庾信字子山有盛才文章綺艷為世人所尚
謂之庾體宿學後生竟相模範又杜詩云庾信文章老
更成凌雲健筆意縱橫

翡翠蘭若 杜詩或看翡翠蘭若上未掣鯨魚碧海
中註云言今之為文者止得小巧而已

一家 北史祖瑩以文學見重常語人云文章須自
出機杼成一家筋骨何能共人同生活也蓋譏世人好
竊他文以為已用

握珠抱玉 魏曹植與楊脩書曰今世作者可略而言仲
宣獨步於漢南孔璋鷹揚於河朔偉長擅名於青土公
幹振藻於海隅德璉發迹於大魏足下高視於上京當
此之時人人自謂握靈蛇之珠家家自謂抱荆山之玉
也

六國積玉 晉陸機天才秀逸辭藻宏麗張華嘗謂之曰
人之為文常恨才少而子更患其多後為葛洪著書稱
機文猶玄圃積玉無非夜光焉五河之吐流泉源如一
焉其弘麗妍贍英銳飄逸亦一代之絕乎

唐舒元輿 太和獻文闕下不得報上
書自言漢主父偃徐樂嚴安以布衣上書朝奏暮召臣
所上八萬言其文鍛煉精粹出入今古數百年披剔剖

抉有可以輔教化者未始遺拔犀之角擢象之齒豈主
父等可比哉文宗得書示宰相李宗閔以浮躁誕肆不
可用時李訓與元稹善及訓用事再遷左司郎中

疾行無善迹 杜詩註引西京雜記云枚乘文章敏疾長
卿制作淹遲皆盡一時之譽長卿首尾溫麗枚乘時有
累句故知疾行無善迹矣

龐屈賈短曹劉 杜壯遊詩氣劇屈賈壘日短曹劉墻
馳屈宋鞭揚馬 李翰林草堂集序馳驅屈宋鞭撻揚馬
千載獨步惟公一人

一掃素壁 王子敬過戴安道草堂飲安道求子敬文子
敬攘臂大言曰我辭翰雖不如古人與君一掃素壁規

詩蘇註

古戰場文

唐李華作含元殿賦成以示蕭穎士穎士曰景福之上靈光之下華文辭綿麗少宏傑氣穎士健爽自肆而華自疑過之因著弔古戰場文極思研摧已成汗為故書雜置梵書之皮居綺反他日與穎士讀之稱工華問今誰可及穎士曰君加精思便能至矣華愕然而服

阮籍為老兵

據言云皇甫湜與李生書曰近風偷薄進士尤甚詩未有劉長卿一句已呼阮籍為老兵矣筆語未有駱賓王一字已罵宋玉為罪人矣

三豪

石守道詩序云東坡嘗云守道作三豪詩云曼卿豪於詩永叔豪於文杜師雄豪於歌永叔亦贈默云贈之三豪詩而我濫一名默有歌云學海波中老龍聖人

門前大虫皆此等語永叔不欲嘲笑之惡其爭名且為之諱也默杜師也

詩

周詩三百篇麗雅理訓誥曾經聖人手議論安敢到五言出漢時蘇李首更號東都漸瀾漫派別百川導建安能者七卓犖變風操逶迤抵晉宋氣象日凋耗中間數鮑謝此近最清與齊梁及陳隋衆作等蟬噪搜春摘花卉沿襲傷剽盜國朝盛文章子昂始高蹈勃興得李杜萬類用陵暴後來相繼生亦各臻闢隩有窮者孟郊受材實雄鷲冥觀動古今象外逐幽好橫空盤硬語妥帖力排杲敷柔肆紆餘奮猛卷海潦榮華肖天秀捷疾愈響報○高議參造化清文煥皇猷○清墨竄舊史磨丹注前經義苑手祕寶文堂耳驚寔○文章自娛戲金

石日擊撞龍文百斛鼎筆力獨可扛○往歲戰詞賦不
將勢力隨下驢入省門左右驚分披傲兀坐試席深叢
見孤羅文如翻水成初不用意為四座各低面不敢捩
面窺升階揖侍郎歸舍日未敢佳句喧眾口考官敢瑕
疵連年收科第若摘頷底髭並韓愈

經學

黃金不如一經漢韋賢字長孺四子少子玄成復以明
經歷位至丞相鄒魯諺曰遺子黃金滿籬不如一經
解經不窮後漢戴馮字次仲正旦朝賀帝令群臣能說
經者更相難詰義有不通輒奪其席以益通者馮遂重
坐五十餘席京師為之語曰解經不窮戴侍中

崔日用請北面唐武平一博學通春秋為脩文館學士

初崔日用自言明左氏春秋諸侯官屬定日學士大集
日用折平一日君文章固耐久若言經則敗績矣時崔
湜等素知平一該習勸令酬誥平一條舉始末無留語
日用曰吾請北面闔坐大笑

唐楊瑒字瑤光為國子祭酒奏有司帖試明
經不質大義乃取年頭月尾孤經絕句且令習春秋三
家禮儀者纔十二恐諸家廢無日請帖平文以存學家
其能通者稍加優官獎孤學從之生徒為瑒立頌大學
門

一經說百餘萬言漢房鳳贊曰自武帝立五經博士開
弟子員設科射策勸以官祿訖於元始百有餘年傳業
者寢盛枝葉蕃滋一經說至百餘萬言大師衆至千餘

人蓋祿利之路然也

漢鄭玄

字康成任城何休好公羊學遂

著公羊墨守左氏膏肓穀梁廢疾玄乃發墨守鍼膏肓

起廢疾休見而嘆曰康成入吾室操吾矛以伐我乎

發冢行考工記

南史有盜發古冢者相傳云是楚王冢

大獲寶物玉履玉屏風竹簡書青絲綸簡廣數分長二

尺皮節如新有得十餘簡以示僧虔云是科斗書考工

記周官所闕文

子學

讀老子

唐郭翰常為御史讀老子至和其光同

其塵慨然曰大雅君子以保其身乃辭憲官

劉子執道家

劉向進列子表其學本於黃帝老子號曰

道家兼要執本清虛無為

六籍奴婢

賈氏談錄云劉蕡讀文中子曰才非殆庶擬

上垂述作或問於六籍如何曰猶奴婢之於郎主後遂

以文中子為六籍奴婢

言語

旬月

前漢車千秋以一言寤意旬月取宰相封侯

錐木屑

晉胡毋輔之字彥國王澄嘗與人書曰彥國

吐佳言如錐木屑霏霏不絕

太宗報書

李太亮曰古人以一言之重訂千金

齊侯

左傳仁人之言其利博哉晏子一言而齊侯

省刑

三寸舌

前漢張良傳吾以三寸舌為帝者師又酈食其

掉三寸舌下齊七十餘城

纏纏令人忘倦唐馬周論事會文切理聽之纏纏令人忘倦

樂於鐘鼓琴瑟荀子非相篇贈人以言重於金石珠玉觀人以言美於黼黻文章聽人之言樂於鐘鼓琴瑟君子之於言無厭

談數晉裴頠傳樂廣嘗與裴頠清言欲以理服之頠辭論豐博廣笑而不言時謂頠為言談之數

歌頌

韓娥歌韓娥過宋宋人辱之娥曼聲而哭長幼皆泣下宋人謝之娥乃曼聲而歌老幼皆喜躍

歌吳趣文選吳趣行云楚妃且莫嘆齊娥且莫謳四坐

並清聰聽我歌吳趣吳趣自有始請從闔門起門起何

峨峨孔閣跨通波重巖承游極迴軒啓曲阿靄靄慶雲被泠泠祥風過云此吳人歌其土風也

掩淚聽歌李白夜坐吟冰合井泉丹入閨金缸清凝照悲啼金缸滅啼轉多掩妾淚聽君歌歌有聲妾有情情聲相合兩無違一語不入意從君萬曲梁塵飛

河清頌元嘉中河濟俱清鮑照為河清頌又杜詩云詞人解撰河清頌

繞梁三日不絕列子湯問篇昔韓娥之齊匱糧過廡門鬻歌假食而去餘音繞梁三日不絕

聲滿天地莊子遜王篇曾子居衛三日不舉火十年不製衣正冠而纓絕捉衿而肘見納屨而踵決曳縱而歌

商頌聲滿天地若出金石

擊牛角淮南子秦族訓甯戚欲干齊威公窮困無以自達於是為商旅將車以適齊魯於郭門飯牛車下望見威公乃擊牛角而疾歌威公聞之異哉歌者非常人也命後車載之

沛中歌前漢高帝紀十二年上還過沛留置酒沛宮悉召故人父老子弟佐酒發中兒得百二十人教之歌酒酣上擊筑自歌曰大風起兮雲飛揚威加海內兮歸故鄉安得猛士兮守四方兒皆和習之

鴻鵠高飛張良傳上召戚夫人曰為我楚舞吾為若楚歌歌曰鴻鵠高飛一舉千里羽翼已就橫絕四海橫絕四海又可柰何雖有繒繳尚安所施

談笑

舉手揶揄後漢王郎反世祖令王霸於市募人霸至市人皆舉手揶揄笑之霸慚而反

齟齬後漢梁異妻孫壽能作齟齬笑以為媚惑

笑疾晉書陸機有笑疾見張華以錦囊成鬚大笑不止

掩口胡盧關于宋之愚人得燕石以為大寶周容觀馬掩口胡盧而笑曰此燕石也與磔不殊

拍手李白歌襄陽小兒齊拍手攔街爭唱白銅鐺傍人借問笑何事笑殺山翁醉似泥

錦繡萬花谷卷之十七

錦繡萬花谷卷之十八

隱逸

漢崔駰達旨解士或掩目而淵潛或盥耳而山棲或草耕而僅飽或木茹而長饑註云北人無擇與舜為友舜以天下讓之無擇乃自投清泠之淵終身不反許由字武仲隱於沛澤堯聞之乃致天下而讓焉由以為汚臨池洗耳伯成子高唐虞時為諸侯至禹去而耕禹往見之則耕在野鮑焦衣木皮食木實

避霸陵山中

後漢韓康字伯休常採藥名山賣於長安市口不二價時有女子從康買藥康守價不移女子怒曰公是韓伯休乃不二價乎康歎曰我本欲避名今小女子皆知有我焉何用藥為乃避入霸陵山中

宣表入帝王門 仲長統樂志論躊躇畦苑遊戲平林濯
清水追涼風釣遊鯉弋高鴻風乎舞雩之下詠歸高堂
之上安神閨房思老氏之玄虛呼吸精和求至人之彷彿
與達者數子論道講書俯仰二儀錯綜人物彈南風
之雅操發清商之妙曲逍遥一世睥睨天地之間不受
當時之責永保性命之期如是則凌霄漢出宇宙之外
矣豈羨入帝王之門哉

七松處士 唐鄭薰既老號所居為隱巖時松于庭號七
松處士

竹溪六逸 唐李白與孔巢父韓準裴政張叔明陶沔居
徂徠山日沉飲號竹溪六逸

蘇門生 魏志阮籍字嗣宗少時嘗遊蘇門山蘇門山有

隱者莫知其姓名有竹實數斛曰杵而已籍對之長嘯

清韻響亮蘇門生亦嘯鸞鳳之音

蘇門生即孫登也

碧山不與 杜栢學士茅屋詩碧山學士焚銀魚蘇註
云張襄梁天監中不供學士職御史欲彈劾襄曰碧山
不負吾乃焚章長嘯而去

逍遙谷 韋嗣立封逍遙公其隱谷曰逍遙谷

好解印安禪 王得至少室山寺愛其瀟洒顧弟待曰好
解金印共此安禪庶免榮華之累弟笑而不答杜詩云
誰能解金印瀟洒共安禪

漆園傲吏 文選郭景純游仙詩漆園有傲吏註云莊周
為漆園吏楚威王聘而不應

萊氏逸妻 文選郭景純游仙詩萊氏有逸妻註云萊子

耕於蒙山之陽楚王駕至老萊之門曰守國之君願變先生萊曰諾妻曰妾之居亂世爲人所制能免於患乎妾不能爲人所制者委畚而去萊乃隨而隱

隨隱士唐盧藏用始隱山中時有意當世人目爲隨駕隱士晚乃徇權利務爲驕縱素節盡矣

終南士宦捷徑唐司馬承禎嘗召至闕下將還山盧藏用指終南曰此中大有嘉處承禎徐曰以僕視之位宦之捷徑耳藏用慙

丘漢班氏叙傳云班嗣曰夫嚴子者絕聖棄智脩生保真漁釣於一壑則萬物不奸其志栖遲於一丘則天下不易其樂不結聖人之網不與驕君之餌然肆志談者不得而名焉故可貴也嚴子莊周也結與桂同鯁古臭字

青瑣高議云陳搏字圖南唐僖宗封爲清虛處士仍賜宮女二人先生作詩曰雪爲肌體玉爲腮深謝君王送到來處士不生巫峽夢虛勞雲雨下陽臺五代時遊於華山多不出真宗遣中使宣召先生爲奏謝曰敷行紫詔徒煩彩鳳嘶來一片閒心已被白雲留住嘗作詩云華山高處是吾宮出卽凌空跨曉風臺殿不將金鎖閉來時自有白雲封

唐揚場煥章伯文志操頗剛簡未遇時著閒居賦自託常曰得田十頃僮婢十人下有兄弟布粟之資上可供先公伏臘足矣

四休居士黃魯直詩序云太醫孫君昉字景初爲士大夫去發藥多不受謝自號四休居士山谷問其說四休笑

曰麤茶淡飯飽即休補破遮寒暖即休三平二滿過即
休不貪不妬老即休山谷曰此安樂法也夫少欲者不
伐之家也知足者極樂之國也四休家有三畝園花木
鬱鬱客來煮茗傳酒談上都貴游人間可喜事或茗寒
酒冷賓主皆忘其居與予相望暇則步草徑相尋故作
小詩遺家僮歌之以侑酒茗

詩山隨宴坐畫圖出水作夜窓風雨來莫將世事侵兩
鬢小菴觀靜鎖靈臺山谷題致虛觀富貴何時潤髑髏守錢奴
與抱官囚太醫診得人間病安樂延年萬事休山谷題
士滅性能安樂深居絕是非英雄行險道富貴隱危機
紙被如綿軟藜羹勝肉肥蒼苔滿山徑最苦客來稀山谷
道人怕得公卿知姓名扁舟棹月過吳城卧聽蘆葉

頭添白吟到梅花語更清拋却石田甘遠客愛看山色
每分程如何亦肯敲寒屋松火煎茶共短檠希夷贈戴式之
世事茫茫心事灰衆人爭處我驚回閉門不管花開落
避俗唯通燕往來富貴在天求不得光陰轉地老相催
平生任達陶元亮千載神交共一杯戴石屏

恬退

詩漢疏廣爲太傅廣兄子受爲少傅朝廷以
爲榮在位五歲廣謂受曰吾聞知足不辱知止不殆功
遂身退天之道也今仕宦至二千石宦成名立如此不
去懼有後悔豈如父子相隨出關歸老故鄉以壽命終
不亦善乎即日父子俱移病乞骸骨公卿大夫故人邑
子設祖道供張東都門外送者車數百兩觀者皆曰賢

哉二大夫祖道錢行也供居共反張竹亮反

無心圖富貴北史楊素善屬文周武帝常令為詔下筆

立成詞義兼美帝嘉之謂曰善自勉勿憂不富貴素應聲曰但恐富貴來逼臣臣無心圖富貴

非傲於樹南史劉訐字彥度本州刺史張穆辟為主簿

主者檄召訐乃挂檄於樹而逃

非不愛作詩北史王晞字叔朗齊昭帝踐祚欲以晞

為侍郎苦辭不受或勸晞勿自踈晞曰我閱要人多矣兄出少時鮮不敗績人主私恩何由可保萬一披猖求

退無地非不愛作熱官但思之爛熟耳

主人唐韋表微字子明授監察御史裏行不樂曰

爵豈滋味也人皆欲之吾年五十拭鏡剪白眉游少

年間取一班一級不見其味將為松菊主人不愧陶淵

明云

靈鳳鳴朝陽神龍不泥蟠時兮不可為昌父乃在山

思君二十年見君良獨難時於邸報上屢見得祠官祠

官祿不多一貧其柰何采芝亦可食當作采芝歌近者

李侍郎直言遭逐去人皆笑其疎君獨有詩句君為山

中入世事安得聞入山恐未深更入幾重雲戴石屏寄趙昌父

漁釣

耕巖之下揚子谷口鄭子真不詘其志耕乎巖石之下

名震京師

白魚不受釣魯璘隱嵩山不仕傲曠鄉有大夫不廉行

惡一日見璘垂釣問曰先生今日得多少魚璘曰此池

淺無巨鱗有白魚一雙長二三寸不受釣大夫沮而歸
獨繭絲為綸列子曰詹何以獨繭絲為綸芒針為鈎荆
篠為竿剖粒為餌引盈車之魚又後漢張衡傳詹何以
沉鈎致精

得白魚腹中有書陵陽子明好釣魚於延溪得白魚腹
中有書教子明服食之法遂上黃山採五脂石服之三
年龍來迎去

垂綸者清宋文帝嘗與群臣臨天泉池帝垂綸良久不
獲王或越席曰臣以為垂綸者清不獲食餌眾皆稱善
五十倍為餌莊子外物篇任公子為大鈎巨緇五十倍
以為餌蹲乎會稽投竿東海旦旦而釣期年不得魚已
而大魚食之牽巨鈎鎔沒而下驚揚而奮鬣白波若山

海水震蕩聲侔鬼神憚赫千里任公子得若魚而腊
之自制河以東蒼梧以北莫不厭若魚者

鈎璜注揚雄傳曰璜玉也呂望釣於磻溪得璜三刻曰
姬受命呂佐之報在齊

詩萬事無心一釣竿三公不換此江山平生謔識劉文
叔惹得虛名滿世間鐵臺謝漁父飲不須錢柳枝辭貫
錦鱗鮮換酒却歸船○漁父醉釣竿閑柳下呼兒一響
船高眠風月天○漁父醒蒹花洲三千六百釣魚一從
頭下復收○漁父笑笑何人古來豪傑盡成塵江山秋
復春石屏漁父詞七尺漁竿八十翁釣絲輕裊蒹花風功名
未遂英雄老人道磻溪即箇中戴石屏周子沐芳莫彈
冠浴蘭莫振衣處世忌太潔志人貴藏暉滄浪有釣客

吾與爾同歸 李白

參謁

掃門求見 漢魏勃欲求見齊相曹參家貧無以自通乃常早起掃齊相門舍人怪問之勃曰願見相君無因故為子掃於是舍人引見參以勃為舍人

交隨不避風雨 漢朱博字子元稍遷為功曹伉俠好交游從士大夫不避風雨時蕭育陳咸以公卿子著才知名博皆友之

為性命忍須臾 通鑑郝超以桓温故朝中皆畏事之謝安嘗與王坦之共詣超日盱未得前坦之欲去安曰獨不能為性命忍須臾耶

閑看華山來 摭言云平曾謁華州李相不遇吟曰老夫三日門前立珠幕銀屏晝不開詩卷却拋書袋裏磬口如閑看華山來

名紙毛生 摭言云劉魯風投謁所知為典謁所阻吟曰萬卷書生劉魯風煙波萬里謁文翁無錢乞與韓知客名紙毛生不為通

老吏慢寒儒 青瑣高議云韓魏公知中山李清臣謁見其姪吏報曰太祝方寢清臣為絕句曰公子乘閑計絳厨白衣老吏慢寒儒不知夢見周公否曾說當年吐哺無魏公見其詩曰吾知此人久矣竟有東牀之選

見汝輩平平耳 世說云王右軍郝夫人謂二弟司空中郎曰王家見二謝傾筐倒屣見汝輩平平耳無煩復生也

奇男子願見將軍

韓文王君墓誌銘云王適好讀書

奇負氣聞金吾李將軍年少喜士可撼乃躋門告曰天下奇男子王適願見將軍白事一見語合意往來門下奏為其衛曹參軍克引駕仗判官盡用其言

刺字漫滅

東漢禰衡字正平建安初來遊許下始字類

川乃陰懷一刺既而無所之適至於刺字漫滅

干託

燭分餘光

史記甘茂避讒亡秦奔齊逢蘇代代為齊使

於秦茂曰臣得罪於秦無所容迹聞貧人女與富人女會績貧女曰我亡以買燭而子之燭有餘可分我餘光今臣困而君使秦茂之妻子願君之餘光振之代諾

安能看人眉睫

北史崔亮字敬儒年十歲依李父居其

備書白業時隴西李冲當朝任事亮族兄光往依之謂

亮曰安能久事筆硯而不往托李氏也彼家饒書因可

學亮曰弟妹饑寒豈容獨飽自可觀書於市安能看人

眉睫乎光言之於冲冲召與語甚奇之迎為館客

新詩上相公

青瑣高議云儒生張球上呂惠公詩曰近

日厨中乏短供孩兒啼哭飯籬空母因低語告兒道爹

有新詩上相公公見詩甚悅因厚贈之

求知

正言藥籠中物

唐元澹字行冲及進士第累遷通事舍

人狄仁傑器之嘗謂仁傑曰下之事上譬富家儲積以

自資也脯腊膜腴以供滋膳參朮芝桂以防疾疢門下

亮旨味者多矣願以小人備一藥石可乎仁傑笑曰君

正吾藥籠中物不可一日無也滕戶皆切康以脂反夾

經品題作佳士李白與韓荆州朝宗書今天下以君侯

為文章之司命人物之權衡一經品題便作佳士而今君侯何惜階前盈尺之地不使白揚眉吐氣激昂青雲

耶

借勢王公韓文與邢尚書云布衣之士身居窮約不借

勢於王公大人則無以成其志

高自稱譽前漢東方朔傳武帝舉賢良文學材力之士

朔上書高自稱譽上偉之令待詔公車

夷甫待雲興魏愷傳愷自散騎常侍遷青州刺史固辭

文宣大怒曰何物漢子與官不就由是積年沉廢後遇

愷於路自陳愷曰咸由中旨愷曰雖復零雨自天終待

雲興四岳惜欣然數日除霍州刺史

知人

知我者鮑子史記管仲曰生我者父母知我者鮑子也

鮑叔既進管仲以身下之天下多管仲之賢而多鮑叔

能知人也

當為南州冠冕蜀志龐統字士元少時樸鈍未有識者

穎川司馬徽清雅有知人鑒統往見徽徽稱統當為南

州士之冠冕由是漸顯

知人之鑒隋高孝基所舉杜如晦房元齡等後皆自致

公輔論者稱孝基有知人之鑒

知人號席公唐席豫字建侯典選六年拔寒遠士多至

臺閣當時推知人號席公

聯慕

願識韓荆州李白與韓荆州朝宗書白聞天下談士相聚而言曰生不用萬戶侯但願一識韓荆州何令人之景慕一至於此耶豈不以有周公之風躬吐握之事使海內豪俊奔走而歸之一登龍門則聲譽十倍所以龍盤鳳逸之士皆願收名定價於君侯君侯不以富貴而驕之寒賤而忽之則三千賓中有毛遂使白得穎脫而出即其人焉

如過泗州不見大聖本州劉安世在家杜門屏迹然田夫野老市井細民以謂過南京不見劉待制如過泗州不見夫聖

慕蘭更名司馬相如少名犬子慕蘭相如之為人更名

如如

比擬

以田舍兒比國士北史高昂字敖曹神武初起兵范陽盧曹亦以勇力稱為尔朱氏守薊神武厚禮召之以昂相擬曰宜來與從叔為二曹曹愠曰將田舍郎比國士遂率其徒自薊入海島

張華比子產晉張華字茂先學業優博辭藻溫麗武帝問漢官之制度華應對如流帝異之時人比之子產

比郭汾陽唐裴度名震四夷其威譽德業比郭汾陽與閔散爭烈史記太公曰蕭何之勲爛然聲施後世與閔天散宜生等爭烈矣

可與相如唐李白十歲通詩書蘇長史見白異之曰是

子天才其特少益以學可比相如
有元齡猶禹唐房喬傳秦王曰漢光武得鄧禹門人
益親今我有元齡猶禹也

錦繡萬花谷別集卷之十八

錦繡萬花谷別集卷之十九

才德

中庸有胡公後漢胡廣字伯始性溫柔謹素常遜言恭
色練達事體明解朝章雖無蹇直之風屢有補闕之益
京師諺曰萬事不理問伯始天下中庸有胡公

弦鳴鴈落石敏若曰元稹少年有材氣不畏強禦至於
任重責大一有所謀輒敗露為天下笑乃知諒御藩鎮
須吉甫黃裳度德裕方可烏乎德裕廟堂老手弦鳴鴈
落刃往牛解而時君不哲投閑置散以致機人云屢跌果
唐否運也

和均韶風李白上李長史書君侯明奪秋月和均韶風
掃塵辭場振發文雅陸機作太康之傑士未可比肩曹

植為建安之雄才惟堪捧駕

將相之器後漢賈復字君文少好學習尚書事舞陰李

生李生奇之謂門人曰賈君之容貌志氣如此而勤於

學將相之器也

珪璋之質後漢郭林宗常謂劉儒口訥心辯有珪璋之

質

人中騏驎南史徐勉字脩仁宗人孝嗣見之歎曰此所

謂人中之騏驎必能致千里王儉常目之曰此子非常

器也每稱有宰輔之量

柳郎可為儀表南史柳惲字文暢少有志行好學善尺

牘與謝瀹鄰居深見友愛瀹曰宅南柳郎可為儀表

警效為鴻鐘響北史崔陵字長儒趙郡李渾將聘梁名

輩畢萃詩酒正歡凌後到一坐無復談話鄭伯猷歎曰

身長八尺面如刻畫警效為鴻鐘響胸中貯千卷書使

人那得不畏服

三河領袖北史裴駿字神駒河東人太祖親討蓋吳駿

陳叙事宜帝大悅謂崔浩曰裴駿有當世才忠義可嘉

補中書博士浩深器駿目為三河領袖

今日文宗北史崔光本名孝伯字長仁遷給事黃門侍

郎甚為孝文所加待常曰孝伯才浩浩如黃河東注固

今日之文宗也

杜入奏行竇侍御驥之子鳳之雛年未三十

忠義俱骨鯁絕代無烟如一段清冰出萬壑置在迎風

寒露之玉壺

冰壺玉衡

杜寄裴施州詩廊廟之具裴施州宿昔一逢

金天晶

杜贈鄭國公嚴武詩鄭公瑚璉器華岳金天晶

昔在童子日已聞老成名嶷然大賢後復見秀骨清開

口取將相小心事友生閱書百紙盡落筆四座驚

竹潤蘭馨

杜喬陵呈縣官詩王劉美竹潤裴李春蘭馨

鄭氏才振古啖候筆不停遣辭必中律利物常發硯綺

繡相展轉琳琅愈青瑩

琳琅照一門

杜送鮮于萬州遷巴川詩京兆先時傑琳

琅照一門

一代偉人

魏鍾繇字元常遷太尉轉封平陽鄉侯時司

徒華歆司空王朗並先朝名臣文帝罷朝謂左右曰此

三公者一代之偉人也

晉薛兼字令長與紀瞻閔鴻顧榮賀循齊名號為

五俊初入洛張華見而奇之曰此皆南金也

形貌

禹趾荀子非相篇禹趾湯偏堯舜參牟子

濯濯如春柳晉王恭字孝伯美姿儀人多愛悅或目之

云濯濯如春月柳嘗披鶴氅涉雪而行孟起窺見曰此

真神仙中人也

張若虛晉王戎幼而穎悟神彩秀澈裴楷見而目

之曰戎眼爛也若巖下電

楊柳風流似張緒南史劉俊獻蜀柳數株枝條甚長狀

若絲縷齊武帝植於太昌靈和殿前常賞玩咨嗟曰此

楊柳風流可愛似張緒當年時其見賞愛如此

藍田生玉南史謝莊字希逸弘微之子也美容儀宋文帝見而異之曰藍田生玉豈虛也哉

若玉山上行李白上裴長史書伏惟君侯貴而且賢鷹揚虎視齒若編貝膚如凝脂昭昭乎若玉山上行朗然映人也

短李唐史李紳字公垂為人短小精悍於詩最有名時號短李元和擢進士第

形不勝衣南史徐摛字士秀晉安王綱出成石頭武帝謂周捨曰為我求一人文學俱長兼有行者欲令與晉安遊慶捨曰臣外弟徐摛形質陋小苦不勝衣而堪此選帝曰必有仲宣之才亦不簡貌乃以摛為侍讀

李諧善用三短北史李諧字虔和為人短小六指因瘦

而舉頤因跛而緩步因寒而徐言人言李諧善用三短

玉人晉衛玠總角乘羊車入市見者以為玉人時王敦鎮豫章長史謝鯤雅重玠相見欣然言論彌日敦謂鯤曰昔王輔嗣吐金聲於中朝此子復玉振於江表微言之緒絕而復續

珠玉在瓦晉王敦稱王衍處衆中如珠玉在瓦石間顧愷之作畫贊亦稱衍崑崑清峙壁立千仞其為人尚如此

玉山照人晉裴楷風神高邁容儀俊爽時人謂之玉人又稱見叔則如近玉山照映人也

珠玉在側晉衛玠字叔寶風神秀異王濟玠之舅也有

風姿見玠歎曰珠玉在側覺我形穢

投菓擲瓦

晉潘岳美姿儀少時常挾彈出洛陽道婦人遇之者皆連手縈繞投之以菓滿車而歸時張載甚醜每行小兒以瓦石擲之委頓而反

名譽

人中龍

晉宋纖字令艾少有遠操沉靖不與世交太守馬岌高尚之士也具威儀造焉纖高樓重閣距而不見岌歎曰名可聞而身不可見德可仰而形不可觀吾今而後知先生人中之龍也銘詩于石壁曰丹崖百丈青壁萬尋奇木鬱蔚若鄧林其人如玉維國之琛室邇人遐寔勞我心

登龍門

後漢李膺字元禮以聲名自高士有被其容接

者名為登龍門

汝南月旦評

後漢許劭與從兄靖俱有高名好共覈論鄉黨人物每月輒更其品題故汝南俗有月旦評焉

得聲梁楚間

漢季布傳曹丘生揖布曰楚人諺曰得黃金百斤不如得季布一諾足下何以得此聲於梁楚之間哉且僕與足下皆楚人使僕游揚足下名於天下顧不美乎布大說引為上客厚送之布名所以益聞者曹丘生揚之也

暴公子威名

漢暴勝之為直指使衣繡持斧威振州郡雋不疑盛服至門上謁曰竊伏海瀕聞暴公子威名舊矣今乃承顏接辭

兒童誦君實

東坡作温公獨樂園詩兒童誦君實走卒

識司馬

山人索價高

韓寄盧全詩水北山人得名聲去年去作

幕下士

石洪水南山人又繼往鞍馬僕從塞閭里温造

少室山人索價高兩以諫官徵不起

李渤

小冠大冠

漢杜欽字子夏少好經書家富而目偏

盲茂陵杜鄴與欽同姓字俱以材能稱京師故衣冠謂

欽為盲杜子夏以相別欽惡以疾見詆乃為小冠高廣

財二寸由是京師更謂欽為小冠杜子夏而鄴為大冠

杜子夏云

好為後世名

晉杜預好為後世名嘗言高岸為谷深谷

為陵刻石為二碑紀其勲績一沉萬山之下一立峴山

之上曰焉知此後不為陵谷乎

蘭菊異芬

唐裴子餘事繼母以孝聞補鄆尉時同舍李

朝隱程行謀以文法稱子餘以儒顯或問優劣於長史

陳崇業答曰蘭菊異芬胡有廢者

名播戎夷

唐馮定字介夫初源寂使新羅其國人傳定

黑水碑畫鶴記韋休符使西蕃所館寫定商山記於屏

其名播戎夷如此

志氣

乘風破浪

南史宋宗慤叔父問所志慤曰願乘長風破

萬里浪

投筆

漢班超字仲升有大志家貧為官傭書久勞苦嘗

輟業投筆歎曰大丈夫無他志畧猶當效傅介子張騫

立功異域以取封侯安能久事筆研間乎

地上之虎北史高昂字敖曹神武以昂為西南道大都督徑趨商洛昂渡河祭河伯曰河伯水中之神高敖曹地上之虎行經君所故相沃酌

男兒當橫行天下北史高昂字敖曹幼時便有壯氣膽力過人龍唇豹頸姿體雄異父為求嚴師令加捶撻昂不遵師訓專事馳騁每言男兒當橫行天下自取富貴誰能端坐讀書作老博士也其父以其昂藏敖曹故以名字之

勇辯美家語致思篇孔子遊於農山子路子貢顏淵侍側孔子曰二三子各言爾志子路曰由願攘地千里塞旗執馘唯由能之子曰勇哉子貢曰願使齊魯合戰賜陳說其間推論利害釋二國之患唯賜能之子曰辯哉

顏回曰回願得明王聖主輔相之數其五教導之以禮樂使千載無戰鬪之患由無所施其勇賜無所用其辯矣子曰美哉德也

五鼎食五鼎烹漢主父偃大臣皆畏其口賂遺累千金或說偃曰大橫偃曰臣結髮游學四十餘年身不得遂親不以為子昆弟不收賓客棄我我阮日久矣丈夫生不五鼎食死則五鼎烹吾日暮故倒行逆施之

生封死廟後漢梁竦曰大丈夫居世生當封侯死當廟食如其不然閑居可以養志詩書足以自娛州郡之職徒勞人耳

熱不息惡木陰文選猛虎行渴不飲盜泉水熱不息惡木陰惡木豈無枝志士多苦心

太山爲肉 曹子建與吳質書足下鷹揚其體鳳觀虎視
謂蕭曹不足儔衛霍不足侔也左顧右盼若無人豈非
君子壯心哉過屠門而大嚼雖不得肉味貴且快意當
斯之時願舉太山以爲肉傾東海以爲酒伐雲夢之竹
以爲笛斬泗濱之梓以爲箏食若填巨壑飲若灌漏卮
其樂固難量豈非大丈夫之樂哉

少有宰相志 南史王儉字仲寶少有宰相志賦詩云稷
契匡虞夏伊呂翼商周

題橋柱 成都記昇仙橋司馬相如初西去題柱曰不乘
赤車駟馬不過此橋果以車車至其處

燕雀安知鴻鵠 前漢陳勝少時與人傭耕輟耕之龍上
悵然甚久曰苟富貴無相忘傭者笑曰若爲傭耕何富

貴也勝太息曰嗟乎燕雀安知鴻鵠之志哉

安能久事筆硯 隋宇文慶少聰敏受業東觀頗涉經史
既而謂人曰書足記姓名而已安能久事筆硯爲腐儒

之事

丈夫當功濟四海 唐馬燧姿度魁傑與諸兄學輟策歎
曰方天下有事丈夫當以功濟四海渠老一儒哉更學

兵書戰策沉勇多筭

飲私酒食牛肉 仇池筆記云吾觀社默豪氣正似京東
學究飲私酒食瘴死牛肉醉飽後所發者作詩狂怪至

盧仝馬異極矣若更求奇便作默矣

不乘使者不三閩 後漢郭丹南陽穰人從師長安買符
入函谷關嘆曰不乘使者車終不出關更始二年徵爲

諫議大夫持節使南陽安集受降果乘高車出關如其志焉

度量

容卿 **華敦** **百** 晉周顛性寬裕王導甚重之嘗枕顛膝指其腹曰卿此中何所有也答曰此中空洞無物足容卿輩數百人導亦不以為忤

嗚面自乾 唐婁師德字宗仁其弟守代州辭之官教之耐事弟曰人有唾面潔之乃已師德曰未也潔之是違其怒正使自乾耳

合垢匿致 晉陳騫傳騫沉子有智謀少有度量合垢匿瑕所在存績

并已遜以免 婁師德傳師德沉深有度量人有忤已輒

遜之以自免

莊重寡言 李栖筠傳栖筠有遠度莊重寡言

錦繡萬花谷別集卷之十九

錦繡萬花谷別集卷之二十

孝

孝馮家唐馮宿父子華廬親墓有靈芝白兔號孝馮家

獺啣魚至前唐孝友傳序張士岩父病藥須鯉魚冬月

冰合有獺啣魚至前得以供父父遂愈母病癱士岩吮

血父亡廬墓有虎狼依之

願子孫若爾孝唐崔澹曾祖母長孫春秋高無齒祖母

唐事姑孝每旦乳姑一日病召長幼言吾無以報婦願

後子孫皆若爾孝世謂崔氏昌大有所本云

賊不殺孝子魏司馬芝字子華避亂荊州於魯陽山遇

賊同行者皆棄老弱走芝獨坐守老母賊至以刃臨芝

芝叩頭曰母老惟在諸君賊曰此孝子也殺之不義遂

得免害

孝子繡唐韓思彥傳張僧徹廬墓三十年詔表其閭請思彥為頌餉繡二百不受僧徹固請為受一匹命其家曰此孝子繡不可輕用

狼齧馴墓唐程表師母病十旬不褫帶藥不嘗不進母終負土築墳常有白狼黃蛇馴墓左每哭羣鳥鳴翔

守節

不入勝母里鄒陽書里名勝母曾子不入註云曾子至孝以勝母之名不順故不入

墨子回車同前書邑號朝歌墨子回車註云紂作朝歌之音朝歌者不時也淮南子云墨子非樂不入朝歌

勁松方操晉忠義贊重義輕生忘軀狗節勁松方操嚴

霜比烈

不為窮達易節申屠剛傳不為窮達易節

見于黎陽唐李勣贊李勣之節見于黎陽故太宗勤勤于託孤誠有為也惜夫不通學術昧夫臨大節不可奪之義

全節自高白居易贊居易始以直道奮雖中被斥晚益不衰當宗閔時權勢震赫終不附離為進取計全節自高

儉

案上不過三椀漢朱博為人廉儉不好酒色游宴自微賤至富貴食不重味案上不過三椀夜寢早起妻希見其面

啖肉後何以繼唐裴休字公美操守嚴正晝講經夜著書終年不出戶有饋鹿者休不食曰蔬食猶不足今一啖肉後何以繼

受命飲冰類要葉公子高將使於齊曰吾子高出使朝受命而夕飲冰我其內熱歟註所饌儉薄而內熱飲冰者憂事之難非食之為

不治居室唐李懷遠擢四科第累遷同平章事爵趙公久貴益素約不治居室

夫人自紡績漢張安世尊為公侯食邑萬戶然身衣弋綈夫人自紡績家童七百人皆有手技作事內治產業積累纖微是以能殖其貨

居無茵褥幃帶唐岑文本自以興孤生居處卑室無茵

褥幃帶

奉身止一布囊唐盧懷慎清儉不營產服器無金玉文綺之飾雖貴而妻子猶寒饑所得祿賜於故人親戚無所計惜赴東都掌選奉身之具止一布囊門不施箔會風雨舉席自障日宴設食蒸豆兩器菜數杯而已

芮社十年一易唐韓滉字太冲性節儉衣裘茵社十年一易甚暑不執扇居處陋薄取庇風雨

作陋室唐崔沔字善冲儉約自持祿廩隨散宗族不治居室嘗作陋室銘以見志

自樂

短褐有狐貉之温列子力命北宮子衣其短褐有狐貉之温進其莪菽有稻粱之味庇其蓬室有廣廈之蔭乘

其韋輅若文軒之飾終身適然不知榮辱之在彼也在我也

鼓琴足以自娛 莊子讓王篇子謂顏回曰家貧居卑胡不仕乎對曰不願仕回有郭外之田五十畝足以給飢粥郭內之田十畝足以為絲麻鼓琴足以自娛所學夫子之道足以自樂也回不願仕

窮亦樂通亦樂 莊子讓王篇古之得道者窮亦樂通亦樂非窮通也故許由娛於潁陽而共伯得乎丘首

以經籍為娛 魏胡昭避地冀州太祖頻加禮辟昭往應命自陳求去乃轉居陸渾山中躬耕樂道以經籍自娛閭里敬而愛之

長樂老 五代馮道自號長樂老著書數百言陳已更事

四姓及契丹所得階勳官爵以為榮自謂孝於家忠於國為子為弟為人臣為夫為婦有子有孫時開一卷時飲一盃老而自樂蓋其自述如此

詩 薄有田園百不憂詩書自樂更無求形容風月三千首笑傲林泉四十秋○不隨俗客老塵寰晚節逍遙水石間獨佩藥囊來澤國只留丹竈在梭山身如野鶴更無侶心似白雲長是閑若見劉仙問消息幸分餘粒及衰顏無郭外生涯少城中糴米歸種花無處賣挑菜入籃稀風撼傾欹屋寒生藍縷衣此翁何所樂談笑傲輕肥穢石野老幽居處成吾一首詩桑枝碍行路瓜蔓網踈籬牧去牛將犢人來犬護兒生涯雖朴畧氣象自

熙熙巖石屏

陰德

治獄多陰德漢于定國字曼倩子永始定國父于公門
閭壞父老方共治之于公謂曰少高大令容駟馬高蓋
車我治獄多陰德未嘗有所寃子孫必有興者至定國
為丞相求為御史大夫封侯傳世云

後世必有興者後漢鄧禹曰吾將百萬之眾未嘗安殺
一人後世必有興者覲皇鄧氏自中興後累世寵貴
凡侯者二十九人公二人大將軍以下十三人中二千
石十四人列校二十二人州牧郡守四十八人其餘侍
中將大夫郎謁者不可勝數見鄧禹傳

戒子孫輕法後漢陳寵曾祖父咸性仁恕嘗戒子孫曰
為人議法當依於輕雖有百金之利謹無與人重比

臨終焚奏藁唐陸元方舉八科皆中每進退人才必先
訪問臨終取奏藁焚之曰吾陰德在人後當有興者諸
子皆美材而象先景倩景融知名

陰德及物前途萬里據言云裴晉公質狀眇小有相者
曰郎君形神不入相書若不至貴必當餓死今殊未有
貴處一日遊香山寺有婦人致一緹縉於僧伽欄楯祈
祝擲筊瞻拜而去度見其所致收取至暮婦人竟不至
詰旦復携來向者婦人疾趨撫膺曰阿父無罪被繫昨
言人假得玉帶二犀帶一以貽津要不幸遺失老父之
禍無所逃矣度因授之婦人拜泣請留其一度辭而去
後見相者曰必有陰德及物前途萬里非某知也度後
果位極人臣

揚善固宜有後前漢張安世傳以父任為郎贊曰張湯推賢揚善固宜有後

報德

良馬史記秦繆公亡善馬岐下野人共得而食之者三百餘人吏逐得欲法之繆公曰君子不以畜產害人吾聞食善馬肉不飲酒傷人乃皆賜酒而赦之三百人者聞秦擊晉皆求從從而皆推鋒爭死以報食馬之德於是繆公虜晉君以歸

行觴南史陰鏗字子堅初鏗與賓友宴飲見行觴者因回酒炙以授之衆坐皆笑鏗曰吾儕終日酣飲而執爵者不知其味非人情也及侯景之亂鏗嘗為賊擒或救之獲免鏗問乃前所行觴者

執炙晉顧榮與同僚宴飲見執炙者狀貌不凡有欲炙之色榮割炙啗之坐客問其故榮曰豈有終日執之而不知其味乎及趙王倫敗榮時為長史被誅而執炙者為督率救之得免

投金瀨水吳越春秋伍子胥伐楚過溧陽瀨水之上而歎曰吾嘗饑於此乞食而賴一婦人欲報之百金不知其家遂投金瀨水而去

蛇啣珠漢鄒陽書註隋侯見大蛇傷者療而愈之蛇啣明珠以報其德

漆身吞炭史記豫讓傳豫讓漆身為厲韜吞炭為啞為智伯報讐以刺趙襄子襄子問曰子不嘗事范中行氏乎智伯盡滅之而子不為報讐而反委質臣於智伯智

伯亦已死矣而子獨何以爲之報雖是深也讓曰范中行氏以衆人遇我我故衆人報之智伯國士遇我我故國士報之

贈漂母千金漢韓信淮陰人家貧嘗從人寄食至城下釣有一漂母哀之飯信留數十日信謝之曰吾必重報母母曰吾哀王孫而進食豈望報乎後信爲楚王都下邳召漂母贈與千金

一笥餌得都尉後漢樊曄字仲華南陽新野人與光武少游舊初光武微時嘗以事拘於新野曄爲市吏餽餉一笥帝得之不忘仍賜曄御食及乘輿服物因戲之曰一笥餌得都尉如何曄頓首謝

別離

陽關無故人唐王維詩勸君更盡一盃酒西出陽關無故人又杜送人從軍詩陽關已近天按唐志陽關在沙州壽昌縣西

淚如綫杜醉歌人生會合不可常庭樹雞鳴淚如綫註云張衡古別離曲雞鳴庭樹枝客子振衣起別淚落如線相顧不能止

寒心酸鼻杜贈別詩生離與死別自古鼻酸辛註云高唐賦孤子寡婦寒心酸鼻

食梅常苦酸文選東門行云一息不相知何況異鄉別遙遙征駕遠杳杳落日晚野風吹秋木行子心腸斷食梅常苦酸衣葛常苦寒絲竹徒滿座憂人不解顏

南枝北風文選古詩行行重行行與君生別離相去萬

餘里各在天一涯道路阻且長會面安可知胡馬依北風越鳥巢南枝相去日已遠衣帶日已緩浮雲蔽白日遊子不顧返

合歡被文選古詩客從遠方來遺我一端綺相去萬餘里故人心尚爾文彩雙鴛鴦裁爲合歡被着以長相思緣以結不解以膠投漆中誰能離別比

遊子何時還江文通古別離詩黃雲蔽千里遊子何時還送君如昨日簷前露已團不惜蕙草晚所悲道里寒君行在天涯妾身長別離願一見顏色不異瓊樹枝

送君南浦同前春草碧色春水綠波送君南浦傷如之何

五見櫻桃花李白又別離云別來幾春未還家玉窓五

見櫻桃花况有錦字書開緘令人嗟至此腸斷彼心絕雲鬟綠鬢罷攬結

野館攀春柳江村泊早花離腸過百結短髮欲雙華楚水連雲直吳山向海斜今朝送歸恨更覺在天涯○還有柳技能送客而無桂樹解留人離腸冉冉隨征櫂愁絕江南日暮春真燿萬里相看忘逆旅三聲清淚落離觴朝雲往日攀天夢夜雨何時對榻涼急雪鷓鴣相並影驚風鴻鴈不成行歸舟天際常回首從此頻書慰斷腸黃魯殘紅換得綠陰成隨分閑愁取次生雖信百年終有別未能一日便無情何時岳色君同看後夜湘晴我獨行好在西園行樂處爲誰依舊月華明懋送君南浦泪如絲君向東周使我悲爲報故人憔悴盡如今

不似洛陽時經別緒悲風散不收空波殘月入西樓
日猿啼江土路滿山眉黛為誰愁賦水邊秋草暮淒淒
欲駐殘陽恨馬蹄曾是管絃同伴醉一聲歌盡各東西
趙山僧愛山出無期俗士牽俗來何時祝融峯下一回
首只是此生長別離韓愈別武昌江頭人送別楊柳秋
來不堪折漢陽門外問南樓昨日不知今日愁英雄握
手新相識人情正好成南北酒闌人散最關情一鴈西
飛楚天碧藏石屏鄂南浦春波碧東都送客船別君楊
柳外揮淚杏花前粉壁題詩句金釵當酒錢一聲離岸
櫓心碎楚江邊石屏

思感

山落月

杜巴嶺答杜二見憶詩卧向巴山落月時兩

鄉千里夢相思又云江頭赤葉楓愁客籬外黃花菊對

誰

思君令人老

古詩思君令人老歲月忽已晚○杜九日

寄岑參詩所向泥活活思君令人瘦沉吟坐西窻飲食

錯昏晝

軒車來何遲

文選古詩千里遠結婚悠悠隔山陂愁君

令人老軒車來何遲傷彼蕙蘭花含笑揚光輝過時而

不采將隨秋草萎

我所思兮

文選四愁詩我所思兮在太山欲往從之梁

父艱側身東望涕沾翰又云我所思兮在桂林欲往從

之湘水深側身南望涕沾襟又云我所思兮在漢陽欲

往從之隴阪長側身西望涕沾裳又云我所思兮在鴈

門欲往從之雪紛紛側身北望涕沾巾美人贈我錦繡
段何以報之青玉案路遠莫致倚增歎何為懷憂心煩
惋


日暮佳人未來 文選休上人怨引詩西北秋風至楚客
心悠哉日暮碧雲合佳人殊未來又云相見巫山渚悵
望陽雲臺膏爐絕沉燎綺席生浮埃

卷帷望月 李白長相思云霜淒淒簾色寒孤燈不明思
欲絕卷帷望月空長歎美人如花隔雲端上有青冥之
高天下有綠水之波瀾天長路遠魂飛苦夢魂不到關
山難長相思摧心肝

橫波目為淚泉 李白長相思歌昔時橫波目今為流淚
泉不信妾腸斷歸來看取明鏡前

莊烏越吟 史記陳軫曰昔越人莊烏在楚有頃而病楚
人使人察其意之所向聞其越吟知其思越也東坡次
韻定國見寄詩云越人知聽否誰念病莊烏

詩 夢覺他鄉枕寒生半夜衾客程湖外遠秋意雨中深
老馬尋歸路羈鴉憶故林家書戲數紙難寫此時心○
一簪華髮照江湖家信不通雙鯉魚醉後有時忘客路
夢中何夕不吾廬○白髮出門來三見梅花謝客路有
歲年歸心無晝夜並戴不



錦繡萬花谷別集卷之二十

卷二十

十

別

文化十

中書

淑平親以無壽交

夢中回文不吾亂○白髮出門來三良辭外攜容

一替華髮照工賦寒前不敢雙黥魚輜對有報忘容

夫黑鼻親紐羈歸對姑林家書煩燒為驥寓北社心○

○夢覺出海州寒主半外余客對賦於茲殊意雨中

韻安固具密情云越入映齋否籍念疎華歸

入射入察其意之似向聞其越今以其思越也東好

中書

